



## EXERCITVS ROMANVS

1 Exercitus Rōmānus ūniversus cōnstat ex legiōnibus  
duodētrīgintā, quae in dēnās cohortēs dīviduntur. In  
singulīs legiōnibus sunt sēna vel quīna vel quaterna mī-  
lia mīlitum, quī omnēs cīvēs Rōmānī sunt. Praetereā  
5 magna auxilia exercituī adiunguntur. Auxilia sunt pedi-  
tēs equitēsque ex prōvinciīs, quī arma leviōra, sicut ar-  
cūs sagittāsque, ferunt. Legiōnāriī sunt peditēs scūtīs,  
gladiīs pīlīsque armātī.

Signum legiōnis est aquila argentea, quae in itinere  
10 ante agmen fertur. In itinere cohortēs alia post aliam in  
longō ōrdine prōgrediuntur. Tālis ōrdō mīlitum prōgre-  
dientium dīcitur agmen. Cum agmen ad hostēs pervē-  
nit, sī tempus et locus idōneus est ad pugnandum, co-  
hortēs in trēs ōrdinēs īstruuntur. Exercitus ita īstrūc-  
15 tus aciēs appellātur. Ante proelium dux exercitūs mīli-  
tēs suōs hortātur ut fortiter pugnent. Tum peditēs prō-

agmen -inis *n*legiō -ōnis *f*cohort -rtis *f*

dēnī -ae -a = x et x...

sēnī -ae -a = vi et vi...

quīnī -ae -a = v et v...

quaternī -ae -a = iv et

iv...

auxilia -ōrum *n pl*

ad-iungere = addere

legiōnārius -a -um < le-  
giō; *m* = mīles *l*.

aquila

ōrdō -inis *m*prō-gredi -ior = prō-  
cēdereidōneus -a -um = con-  
veniēns

īstruere -ūxisse -ūctum

aciēs -ēī *f*proelium -ī *n* = pugna  
exercituum

hortārī = monēre

prō-currere -currisse

mittere = iacere

caedere = pulsare; (gladiō) c. = occidere

imperator -ōris m = qui imperat (titulus ducis)

circum-dare = cingere (locum) mūnīre = vallō

/mūrō circumdare

suprā (adv): in cap. XII

com-memorāre = memorāre

aetās -ātis f = annī quōs aliquis vixit

militāris -e < mīles

puer VII annōs nātus = puer VII annōrum

velle, *coni imperf:*  
vellem vellēmus  
vellēs vellētis  
vellet vellent

studēre (+ dat): litterīs

s. = studiōsus esse litterārū (: legendī)

studium -i n < studēre

cōgere co-ēgisse -āctum

(< co- + agere) = vī persuādēre

stipendium -i n = mercēs

militis; s. merēre = mīlitāre

prō ↔ contrā

virtūs -ūtis f < vir;

(militis) v. = animus fortis

pūblicus -a -um (< populus) ↔ prīvātus -a -um

(epistulam) dare = mittere

praecipuē = prae ceteris

rēbus, māximē

currunt et primum pila in hostes mittunt, deinde eos gladiis caedunt. Hostibus proelio victis, dux a militibus 'imperator' salutatur. Vesperis exercitus loco ad defendendum idoneo castra ponit, quae vallō et fossā circumdantur. Ita muniuntur castra Romana. 20

Aemilius, frater Aemiliae minor, quem supra commemoravimus, a prima aetate studiosus fuit rei militaris. Iam puer septem annos natus gladios ligneos et arcus sagittasque sibi faciebat, ut cum aliis pueris eiusdem aetatis proelia luderet. Septendecim annos natus a patre interrogatus 'quid tum discere vellet?' filius statim respondit 'se nihil nisi rem militarem discere velle.' Voluntas filii patri haud placebat, cum ipse litteris studeret neque ullum aliud studium filio suo dignum esse arbitraretur. Cum vero filius nullo modo contra voluntatem ad studium litterarum cogi posset, pater eum una cum Publio Valerio, adulescente eiusdem aetatis, in Germaniam ad exercitum Romanum misit, ut apud ducem quendam egregium stipendia mereret. Ibi Aemilius pro patriā pugnans iam magnam gloriam militarem sibi quaesivit. Virtus eius egregia ab omnibus laudatur. 35

Et pater et soror Aemilii frequentes epistulas ad filium et fratrem suum mittunt. Pater maxime de rebus publicis scribit, sed Aemilia de rebus privatis, ut de liberis suis et de convivis, scribere solet. Epistulae quas Aemilius ad patrem dat praecipue de gloria et virtute militari sunt, sed ex iis litteris privatis quas Aemilia 40

nūper ā frātre suō accēpit plānē appāret eum iam vītā  
 45 mīlitārī fatīgātum esse. Ecce litterae novissimae, quās  
 Aemilia prīdiē kalendās Iūniās ā frātre accēpit et posterō  
 diē in convīviō recitāvit:

II "Aemilius sorōrī suae cārissimae s. d.

Hodiē dēmum mihi allāta est epistula tua quae a. d.  
 50 VII kal. Māi. scrīpta est, id est ante vīgintī diēs. Quam  
 tardus est iste tabellārius! Celsī sānē et arduī montēs  
 Germāniam ab Italiā disiungunt, ac difficillimae sunt  
 viae quae trāns Alpēs ferunt, sed tamen celer tabellārius  
 idem iter quīndecim ferē diēbus cōficere potest, ut  
 55 tabellārīi pūblicī quibus ūtitur dux noster. Ego vērō  
 istum tabellārium properāre docēbō, cum meās litterās  
 ad tē referet.

Sed quamquam tardē advēnit, grātissima mihi fuit  
 tua epistula magnōque cum gaudiō ex eā cognōvī tē et  
 60 Iūlium et liberōs vestrōs, quōs valdē dīligō, bonā valē-  
 tūdine fruī. Cum epistulās tuās legō, apud vōs in Al-  
 bānō esse mihi videor, neque in hāc terrā frīgidā inter  
 hominēs barbarōs. Tum, nesciō quōmodo, ita permo-  
 veor ut lacrimās vix teneam — ita patriam et amīcōs  
 65 meōs dēsīderō.

Ō, quam longē absum ab Italiā et ab iīs omnibus quōs  
 praecipuē dīligō! Utinam ego Rōmae essem aut tū apud  
 mē essēs! Cum Dānuvium flūmen aspiciō, quod praeter  
 castra nostra fluit, dē Tiberī cōgitō atque dē Rōmā.  
 70 Quandō tē aspiciam, urbs pulcherrima? Utinam hic am-

appāret = plānum est,  
 intellegitur  
 fatīgāre = fessum facere

prī-diē = diē ante  
 posterus -a -um (< post)  
 = sequēns

s. d. = salūtem dīcit  
 a. d. VII kal. Māi. =  
 ante diem septimum  
 kalendās Māiās  
 arduus -a -um:

mōns  
 arduus




Alpēs -ium *f pl*: montēs  
 Eurōpae altissimī  
 ferē = circiter

properāre = celeriter  
 īre/agere  
 re-ferre

gaudium -ī *n* (< gaudēre)  
 = laetitia  
 valētūdō -inis *f* < valēre

Albānum -ī *n* = prae-  
 dium Albānum

dēsīderāre: amīcōs d. =  
 dolēre sē abesse ab  
 amīcīs

castra   
 →  
 praeter castra

amnis -is *m* = flūmen

trāns-ferre

Venus est Mercurii soror  
(pater utriusque Iup-  
piter)

rīdīculus -a -um  
= rīdendus  
ef-fundere < ex + fun-  
dere

cupīdus patriae videndae  
= cupidus patriam vi-  
dendī  
prae-stāre: officium p.  
= officium facere

trāns-īre -iisse

tam-diū ... quam-diū  
= tam diū ... quam  
citā ↔ ultrā *prp + acc.*

ultrā flūmen  
  
citā flūmen

ūnī -ae -a: ūnae litterae  
= ūna epistula  
trīnī -ae -a: trīnae lit-  
terae = trēs epistulae  
quaternae litterae =  
quattuor epistulae

in scrībendō  
in epistulīs scrībendīs

ad scrībendum  
ad epistulam scrībendam

nis Tiberis esset et haec castra essent Rōma!

Sed frūstrā haec optō, cum nēmō nisi deus ita subitō  
in alium locum trānsferri possit. Sī Mercurius essem  
ālāsque habērem, ventō celerius trāns montēs amnēsque  
in Italiam volārem, ubi Venus, soror mea pulcherrima, 75  
frātre rīdēns reciperet.

Rīdēbis certē, mea soror, nec sine causā, nam rīdicu-  
lum est tālēs rēs optāre, nec lacrimās effundere mīlitem  
deceat, cuius officium est sanguinem effundere prō pa-  
triā. Ego vērō, etsī cupidus sum patriae videndae, offi- 80  
cium meum praestābō sicut ceterī mīlitēs Rōmānī, quō-  
rum magnus numerus in Germāniā est. Nisi nōs hīc  
essēmus finēsque imperiī dēfenderēmus, hostēs celeri-  
ter Dānuvium et Alpēs trānsīrent atque ūsque in Italiam  
pervenīrent, nec vōs in Latiō tūtī essētis. Nē hoc fiat, 85  
legiōnēs Rōmānae hīc sunt ac tamdiū remanēbunt  
quamdiū hostis armātus seu citā seu ultrā Dānuvium  
flūmen reliquus erit.

Quoniam igitur ipse ad tē properāre nōn possum,  
litterās ad tē scrībere properō. Quaeris ā mē cūr tibi 90  
ūnās tantum litterās scrīpserim, cum interim trīnās qua-  
ternāsve litterās ā tē accēperim. Haud difficile est mē  
excūsāre, quod neglegēns fuerim in scrībendō. Sī mihi  
tantum esset ōtiū quantum est tibi, in epistulīs scrīben-  
dīs nōn minus dīligēns essem quam tū. Sed cum per 95  
complūrēs mēnsēs vix tempus habuerim ad dormien-  
dum, facile intellegēs nūllum mihi ōtium fuisse ad epis-



tulam scribendam. Prope cotīdiē aut Germānī castra nostra oppugnāvērunt aut nōs impetūs fēcimus in illōs.


100 Hodiē vērō nūllum hostem armātum citrā flūmen vidēmus. Magnus numerus eōrum aut caesus aut captus est ā nostrīs, reliquī ultrā flūmen in magnīs silvīs latent. Herī enim exercitum Germānōrum proeliō vīcimus. Quod sīc factum est:

III Mediā nocte in castra nūntiātum est 'magnum hostium numerum nāviculīs ratibusque cōpulātīs flūmen trānsiisse celeriterque secundum flūmen adversus castra nostra prōgredi.' Hōc nūntiō allātō, mīlitēs statim convocātī sunt. Quī cum arma cēpissent et vāllum ascendissent, prīmō mīrābantur quamobrem mediā nocte ē somnō excitātī essent, cum extrā vāllum omnia tranquilla esse vidērentur. Ego quoque dubitare coeperam num nūntius vērū dīxisset, cum subitō paulō ante lūcem magnus numerus Germānōrum ē silvīs proximīs

115 excurrēns castra nostra oppugnāvit. Nostrī, cum parātī essent ad castra dēfendenda, illum prīmum impetum facile sustinuērunt. Nec tamen hostēs castra oppugnāre dēstitērunt, sed aliī ex aliīs partibus etiam atque etiam sub vāllum prōcurrērunt. Cum complūrēs hōrās ita fortissimē ā nostrīs, ab hostibus cōstanter ac nōn timidē

120 pugnātum esset, equitātus noster repente portā dextrā ērumpēns impetum in latus hostium apertum fēcit. Paulō post, cum plērīque hostēs sē ad equitēs convertissent, peditēs nostrī portā sinistrā ērūpērunt. Hostēs hāc


caedere cecidisse caesum



cōpulāre = coniungere

secundum *prp + acc*: s.  
flūmen = flūmen sequēns

con-vocāre = in eundem locum vocāre  
cum... cēpissent = postquam cēpērunt



ante lūcem = ante diem

ex-currere

ad dēfendendum  
ad castra dēfendenda

dē-sistere -stitisse  
etiam atque etiam = iterum atque iterum

cōstāns, *adv* cōstanter

pugnātur ā nostrīs = nostrī pugnant  
ē-rumpere = subitō excurrere  
plērī- plērae- plēra-que = prope omnēs  
convertere -tisse -sum

diū, *comp* diūtius,  
*sup* diūtissimē

tergum vertere : fugere  
rīpa -ae *f* = litus  
flūminis

ulterior -ius *comp*  
< ultrā; *sup* ultimus  
citerior -ius *comp*  
< citrā; *sup* citimus  
caedēs -is *f* < caedere

dēsīderantur : āmissī  
sunt  
vulnerāre < vulnus  
-eris *n*

incolumis -e = salvus,  
integer

numerō superiōrēs  
: plūrēs

pāx pācis *f* ↔ bellum

lēgātus -ī *m* = nūntius  
pūblicus

rē perturbātī, cum iam longā pugnā fatīgātī essent, im- 125  
petum Rōmānōrum ab utrāque parte venientium diū-  
tius sustinēre nōn potuērunt, ac post brevem pugnam  
terga vertērunt. Cum ad rīpam flūminis fugientēs per-  
vēnissent, aliī nāviculīs ratibusque sē servāvērunt, aliī  
armīs abiectīs in flūmen sē prōiēcērunt, ut natandō ad 130  
rīpam ulteriōrem pervenīrent, reliquī omnēs ab equiti-  
bus, quī ad eōs persequendōs missī erant, in rīpā cite-  
riōre caesī aut captī sunt. Tanta ibi caedēs hostium facta  
est ut meminisse horream.

Duo ferē mīlia hominum magnamque armōrum cō- 135  
pīam hostēs eō proeliō āmīsērunt. Ē nostrīs haud multī  
dēsīderantur. Ipse sagittā in bracchiō laevō vulnerātus  
sum, sed vulnus meum leve est, multī graviōra vulnera  
accēpērunt. Nec vērō ūllus mīles legiōnārius ā tergō  
vulnerātus est. Plērīque autem mīlitēs nostrī ex tantō 140  
proeliō incolumēs sunt.

Hōc proeliō factō, dux victor, cum ā mīlitibus impe-  
rātor salūtātus esset, virtūtem nostram laudāvit 'quod  
contrā hostēs numerō superiōrēs fortissimē pugnāvissē-  
mus'; 'tot hominibus ūnō proeliō āmissīs, hostēs brevī 145  
arma positūrōs esse' dīxit. Hīs verbīs māximō gaudiō  
affectī sumus, nam post longum bellum omnēs pācem  
dēsīderāmus. Hodiē lēgātī ā Germānīs missī ad castra  
vērērunt, ut cum imperātōre colloquerentur. Nesciō  
an lēgātī pācem petītum vērērunt, sed certō sciō im- 150  
perātōrem nostrum cum hoste armātō colloquī nōlle.

Ego cum cēterīs hāc victōriā glōriōsā gaudeō quidem,  
sed multō magis gaudērem sī amīcus meus Pūblius Va-  
lerius, quōcum primum stipendium meruī, incolumis  
155 esset et mēcum gaudēre posset. Quī cum mihi in hostēs  
prōgressō auxilium ferre vellet, ipse ex aciē excurrēns  
pilō percussus cecidit. Graviter vulnerātus in castra por-  
tātus est, ubi in manibus meīs ex vulnere mortuus est,  
postquam mē ōrāvit ut per litterās parentēs suōs dē  
160 morte filiī cōsōlārer. Sed quōmodo aliōs cōsōler, cum  
ipse mē cōsōlārī nōn possim? Fateor mē lacrimās effū-  
disse cum oculōs eius clausissem, sed illae lacrimae et  
mīlitem et amīcum decēbant, etenim malus amīcus fuis-  
sem, nisi lacrimās effūdissem super corpus amīcī mor-  
165 tuī, cum ille sanguinem suum prō mē effūdisset.

Utinam patrem audīvissem, cum mē ad studium litte-  
rārum hortārētur! Sed tum litterās et studiōsōs litterā-  
rum dēspiciēbam. Poētās ut hominēs ōtiōsōs ōderam,  
praecipuē Tibullum, quī vītā rūsticā atque ōtiōsam  
170 laudābat, vītā mīlitārem dēspiciēbat. Mīrābar cūr ille  
poēta mortem glōriōsam prō patriā 'dīram' vocāret et  
ēnsēs quibus patria dēfenditur 'horrendōs', ut in hīs  
versibus, quōs senex magister etiam atque etiam nōbīs  
recitābat:

175 *Quis fuit horrendōs prīmus quī prōtulit ēnsēs?*  
*Quam ferus et vērē ferreus ille fuit!*  
*Tum caedēs hominum generī, tum proelia nāta,*  
*tum brevior dīrae mortis aperta via est!*

glōriōsus: (rēs) glōriōsa  
= quae glōriam affert

quō-cum = cum quō

prō-gredī -ior -gressum  
esse  
percutere -iō -cussisse  
-cussum  
ex vulnere = propter  
vulnus

ef-fundere -fūdisse  
-fūsum

et-enim = namque

tum = tunc

dēspicere = contemnere  
ōtiōsus -a -um < ōtium  
ōderam ↔ amābam  
Tibullus -ī m

dīrus -a -um = terribilis

ēnsis -is m = gladius  
horrendus -a -um =  
dīrus

[Tibullus I.10.1-4]  
prō-ferre = in lūcem p.,  
primum facere

genus hominum =  
cūctī hominēs  
proelia nāta sunt  
: brevior via ad dīram  
mortem aperta est



fore (*inf fut*) = futurum  
/-am... esse

expectātō! = expectā  
(posthāc)!  
scrībitō! = scrībe!  
monētō! = monē!

nārrātōte! = nārrāte!

īdūs Māiae: diēs xv  
mēnsis Māiī

laudāvisset

-isset

[1] recitāv|isset  
[2] pārū|isset  
[3] scrīps|isset  
[4] audīv|isset

[1] recitāv|isse|m  
recitāv|issē|s  
recitāv|isse|t  
recitāv|issē|mus  
recitāv|issē|tis  
recitāv|isse|nt

Rīdiculī mihi puerō vidēbantur īī versūs, cum nōn-  
dum caedem vīdissem. At hodiē Tibullum vērū dīx- 180  
isse intellegō. Sī iam tum hoc intellēxissem, certē pa-  
trem audīvissem nec ad bellum profectus essem, ut tot  
caedēs et tot vulnera vidērem.

At iam satis dē caede scrīpsī. Nōlō tē fatīgāre nār-  
randō dē bellō cruentō, cum brevī pācem fore spērē- 185  
mus. Nisi ea spēs mē fallit, posthāc plūrēs epistulās ā  
mē expectātō, atque plūrēs etiam ipsa scrībitō! Etiam  
aliōs monētō ut ad mē litterās dent. Et dē rē pūblicā et  
dē rē prīvātā nārrātōte mihi! Scītōte mē omnia quae  
apud vōs fiunt cognōscere velle. 190

Valētūdinem tuam cūrā dīligenter! Datum prīdiē  
īdūs Māiās ex castrīs."

## GRAMMATICA LATINA

### Coniūctīvus

#### Tempus plūsquamperfectum

195

#### [A] Āctīvum.

Iūlius dubitābat num magister Mārcum laudāvisset.

'Laudāvisset' coniūctīvus est temporis praeteritī plūs-  
quamperfectī. Coniūctīvus plūsquamperfectī dēsinit in -isset  
(pers. III sing.), quod ad īnfīnītīvum perfectī sine -isse ad- 200  
icitur.

Exempla: [1] recitāv|isset; [2] pārū|isset; [3] scrīps|isset; [4]  
audīv|isset.

Pater fīlium interrogāvit 'num bonus discipulus fuisset:  
num magistrō pārūisset, attentē audīvisset, rēctē scrīpsisset et 205  
pulchrē recitāvisset.' Filius nōn respondit. Tum pater ab eō  
quaesīvit 'num ā magistrō laudātus esset.' Cum fīlius id negā-



visset, "Ergō" inquit pater "malus discipulus fuistī; nam sī bonus discipulus fuissēs, magister tē laudāvisset. Sī magistrō  
 210 pāruiissēs, attentē audīvissēs, rēctē scrīpsissēs et pulchrē recitā-  
 vissēs, ā magistrō laudātus essēs." Fīlius: "Etiam sī industrius  
 fuissem, magister mē nōn laudāvisset." Pater: "Quid?" Fīlius:  
 "Etiam sī magistrō pāruiissem, attentē audīvissem, rēctē scrīp-  
 sissem et pulchrē recitāvissem, laudātus nōn essem ab illō ma-  
 215 gistrō iniūstō!"

Pater filiōs interrogāvit 'num bonī discipulī fuissent: num magistrō pāruiissent, attentē audīvisissent, rēctē scrīpsissent et pulchrē recitāvisissent.' Fīlii nōn respondērunt. Tum pater ab iīs quaesīvit 'num ā magistrō laudātī essent.' Cum fīlii id negā-  
 220 vissent, "Ergō" inquit pater "malī discipulī fuistis; nam sī bonī discipulī fuissētis, magister vōs laudāvisset. Sī magistrō pāruiissētis, attentē audīvissētis, rēctē scrīpsissētis et pulchrē recitāvissētis, ā magistrō laudātī essētis." Fīlii: "Etiam sī ma-  
 gistrō pāruiissēmus, attentē audīvissēmus, rēctē scrīpsissēmus et  
 225 pulchrē recitāvissēmus, laudātī nōn essēmus ab illō magistrō iniūstō!"

	<i>Singulāris</i>	<i>Plūrālis</i>
<i>Persōna prīma</i>	-issem	-issēmus
<i>Persōna secunda</i>	-issēs	-issētis
230 <i>Persōna tertia</i>	-isset	-issent

[B] Passīvum.

Exempla: vidē suprā!

	<i>Singulāris</i>	<i>Plūrālis</i>
<i>Persōna prīma</i>	laudātus essem	laudātī essēmus
235 <i>Persōna secunda</i>	laudātus essēs	laudātī essētis
<i>Persōna tertia</i>	laudātus esset	laudātī essent

*Imperātīvus futūrī*

Pugnātō, mīles! Pugnātōte, mīlitēs!

'Pugnātō, pugnātōte' imperātīvus futūrī est. Imperātīvus  
 240 futūrī dēsinit in -tō (sing.) et -tōte (plūr.); idem ferē significat  
 atque imperātīvus praesentis ('pugnā, pugnāte').

[2] pārui|isse|m  
 pārui|issē|s  
 pārui|isse|t  
 pārui|issē|mus  
 pārui|issē|tis  
 pārui|isse|nt

[3] scrīps|isse|m  
 scrīps|issē|s  
 scrīps|isse|t  
 scrīps|issē|mus  
 scrīps|issē|tis  
 scrīps|isse|nt

[4] audīv|isse|m  
 audīv|issē|s  
 audīv|isse|t  
 audīv|issē|mus  
 audīv|issē|tis  
 audīv|isse|nt

fu|isse|m      fu|issē|mus  
 fu|issē|s      fu|issē|tis  
 fu|isse|t      fu|isse|nt

-isse|m      -issē|mus  
 -issē|s      -issē|tis  
 -isse|t      -isse|nt

-tus | essem    -tī | essēmus  
 -ta | essēs    -tae | essētis  
 | esset      | essent  
 -tum esset    -ta essent

pugnātō pugnātōte

-tō -tōte

[1] pugnā tō	pugnā tōte
[2] pārē tō	pārē tōte
[3] scrīb itō	scrīb itōte
[4] audī tō	audī tōte
es tō	es tōte

## Vocābula nova:

legiō  
cohors  
agmen  
ōrdō  
aciēs  
proelium  
imperātor  
aetās  
studium  
stipendium  
virtūs  
gaudium  
valētūdō  
amnis  
ratis  
rīpa  
caedēs  
vulnus  
pāx  
lēgātus  
ēnsis  
legiōnārius  
idōneus  
militāris  
pūblicus  
prīvātus  
posterus  
arduus  
rīdīculus  
ulterior  
citerior  
incolumis  
ōtiōsus  
dīrus  
horrendus  
dēnī  
sēnī  
quīnī  
quaternī

## Exempla:

Magister: "Posthāc bonus discipulus *estō*, puer! Semper mihi *pārētō*! Dīlīgenter *audītō*! Pulchrē *recitātō* et rēctē *scrībītō*!"

245

Magister: "Posthāc bonī discipulī *estōte*, puerī! Semper mihi *pārētōte*! Dīlīgenter *audītōte*! Pulchrē *recitātōte* et rēctē *scrībītōte*!"

## PENSVM A

Magister epistulam ad Iūlium scrīpsit, cum Mārcus in lūdō dormīv- nec magistrō pārū-. Sī Mārcus bonus discipulus fu-, magister eum laudāv- nec epistulam scrīps-.

Mārcus: "Herī in cubiculō inclūsus sum, cum pater epistulam tuam lēg-. Nisi tū eam epistulam scrīps-, ā patre laudātus es-." Magister: "Epistulam scrīpsī cum in lūdō dormīv- nec mihi pārū-. Sī industrius fu-, tē laudāv- nec epistulam scrīps-." Mārcus: "Etiam sī industrius fu- et tibi pārū-, mē nōn laudāv-!"

Clēmēns es-, domine! Patientiam habē-! Servōs probōs laudā-, sed improbōs pūnī-!

Industrii es-, servī! Cum dominus loquitur, tacē- et audī-! Semper officium faci-!

Verba: īnstruere -isse -um; cōgere -isse -um; caedere -isse -um; convertere -isse -um; percutere -isse -um; prōcurrere -isse; dēsistere -isse; prōgredi -um esse.

## PENSVM B

Ūna — cōstat ex v vel vi mīlibus hominum, quī in x — dīviduntur. Exercitus prōcēdēns — dīcitur. Exercitus ad — [= pugnam] īnstrūctus — appellātur. Post victōriam dux ā mīlitibus — nōminātur. Sī mīlitēs fortiter pugnāvērunt, — eōrum ab imperātōre laudātur. Officium mīlitis est sanguinem — prō patriā.

Aemilius, quī in capitulō XII — est, ūnā cum Valeriō, adulēscēte eiusdem —, in Germāniā — meruit. Tabellārius

pūblicus xv — [= circiter] diēbus Rōmā in Germāniam — [= celeriter ire] potest. Difficile est Alpēs —. Mīlitēs Rōmānī — Dānuvium sunt, hostēs sunt — Dānuvium.

# PENSVM C

Quae arma gerunt auxilia?

Quid est signum legiōnis?

Quōmodo mīlitēs in aciem instruuntur?

Ad quod studium pater Aemilium hortābātur?

Quō Aemilius adulēscēns missus est?

Cūr Aemilius epistulās legēns permovētur?

Quamobrem ipse paucās epistulās scrīpsit?

Quī nūntius nocte in castra allātus est?

Cūr hostēs castra Rōmāna nōn expugnāvērunt?

Num Tibullus vītā mīlitārem laudat?

ūnī  
trīnī  
adiungere  
prōgredi  
instruere  
hortārī  
caedere  
circumdare  
mūnīre  
commemorāre  
studēre  
cōgere  
fatigāre  
properāre  
dēsiderāre  
trānsferre  
effundere  
praestāre  
trānsire  
cōpulāre  
convocāre  
excurrere  
prōcurrere  
ērumpere  
vulnerāre  
fore  
plērīque  
prīdiē  
praecipuē  
tamdiū  
quamdiū  
diūtius  
ferē  
etenim  
citā  
ultrā  
secundum